



Landskarsimit tapiiffigineqartartussamik nammineq piumassuseq tunngavigalugu suliffissaaleqilernissamut sillimmasiisarfimmik pilersitsisinnaanermut atatillugu inuiaqatigiinnut sulisartunullu aningaasatigut iluaqutissartai akorngutaalu pillugit misissueqqullugit Naalakkersuisut peqquneqarnissaannik Inatsisartut aalajangiiffigisassaattut siunnersuut. Misissuinermi ilanngunneqassapput periuseq ataatsikkut sullivinnut tamanut atuuttoq kiisalu periuseq sullivinnut assigiinngitsunik suliaqartunut ataasiakkaanut atuuttusaaq ilaatillugu kattuffiit pineqartumut isumaat. Misissuinerup inerneru Inatsisartunut ilaasortanut agguanneqassaaq kingusinnerpaamik UKA2020-mi.

(Inatsisartunut ilaasorta Steen Lyng, Demokraatit)

Nunami maani A-kasse imaluunniit suliffissaarunnermi ullormusiaqartitsisarneq atutingillat. Sulisarpugut imaluunniit pisortanit ikiorsiissutinik pisarpugut, naatsumik oqaatigalugu.

Allatut oqaatigalugu A-kasse sillimmasiisarfittut taaneqarsinnaavoq, akileraaffiususaaq suliffeqarnerup nalaani. Suliffeeruteriasaassagaanni A-kasse aqutigalugu akissarsiasaraluanut taarsiisoqarsinnaavoq. Danmark assersuutitut atorutsigu, akissarsiasarsimasat 90 procentii tikillugit pissarsiarineqarsinnaasarput, qaammammulli tunniunneqarsinnaasut amerlanerpaaik 18.633 koruuniusarput.

Demokraatiniit aqqissuussineq taamaattoq nunatsinni atorneqarsinnaanersoq misissussallugu soqutigintartut isigaarput. Pingaartutullu isigaarput misissuinermi danskit periusaat kiserluinnarmi nakkunneqassanngitsoq, aqqissuussinerilli assigiinngitsut iluaqutissartaat akorngutaallu misissoqqissaarneqassasut.

Aammattaq isumaqarpugut pingaaruteqartoq misissuinermi isummerfigineqassasoq kikkut ilaasortannorsinnaassanersut kiisalu sullivinnut assigiinngitsunik ataasiakkaanut aggulullugu atuuttussanngortinneqassanersoq. Aamma pingaaruteqarpoq aningaasartaasa qiviarneqarnissaat. Ilaasortaaneq qanoq akeqassava? Qanoq sivistigisumik ullormusiaqarsinnaasoqassava? Pisortat qanoq angitigisumik aqqissuussinermit akileeqataasassappat?

Demokraatinut pingaaruteqarpoq oqaatigissallugu, kikkulluunniit suliartoqquneqarunik suliarortarnissaat. Pisortat ikiorsiissutaannik pisartagaqaraluaanni imaluunniit ullormusiaqaraanni. Ajoraluartumik takussaavallaartarpoq nunatsinni nukatsitsinerujussuaq, inuit sulisinnaarsuullutik suliffimmik naameertartut. Aamma isumaqarpunga malittarisassiunneqartariaqartut suliffissarsiortuugaanni suliffissarsiornermut suleqataanissaq assersuutigalugu pikkorissarnernut peqataaqqusilluni naalakkiisoqartarsinnaanissaa soorlu Majoriami.

Taakkuupput isummersuutimininnguagut - neriuppugut pitsaasumik eqiigasumillu oqallittoqarumaartoq aamma maangaanniit siunnersuutit tamakkiisumik ilalerparput innersuullugulu Inuutissarsiornermut



Ataatsimiititaliamut.

DEMOKRAATIT
DEMOKRATERNE